


PUOGAE YA MOPHATO 2

Pidipidinyana e e maswe



SETSWANA

Maemo:

2

Buka

3



Puiso e e kaelwang ya ditlhophha

Pele ga puiso

- Phetla kgang e ba tlaa e buisang.
- Kopa barutwana gore ba bolelele kgang pele ba lebeletse setlhogo le ditshwantsho.
- Itsise barutwana ka ga mafoko a mašwa le a a bothata pele ba buisa kgang.

Puiso ya ntlha

- Barutwana ba tshwanetse go buisa buka ka bongwe ka bongwe.
- Barutwana ba tshwanetse go buisa ka tidimalo kgotsa ba ka nna ba 'sebaseba fa ba buisa' buka.
- Tsamaya, tsamaya go tswa mo morutwaneng mongwe go ya kwa go yo mongwe, o kopa morutwana mongwe le mongwe go buisetsa karolo ya buka kwa godimo.

Motlotlo

- Botsa dipotso tsa tekatlhaloganyo tse di ikaegileng ka buka.
- Tsepamisa matlho mo medumopuong, mafokong a tlwaelo le tlotlofokong.
- O tlaa fitlhela ditirwana tse di kwa morago ga buka e, di le botlhokwa le mosola go kaela motlotlo wa phaposi. (Tlhophha ditirwana tse di lebaneng maemo a barutwana).

Puiso ya bobedi

- Mo malatsing a a latelang, letla barutwana go buisa buka gape, ka sebedi (dipara) kgotsa ka bongwe ka bongwe. Tlhophha ditirwana tse di lebaneng maemo a barutwana.
- Tsepamisa matlho mo kelelong ya puiso, thutapuong le mo tlotlofokong.
- Letla barutwana go feleletsa ditirwana tse di kaelwang tsa ditlhophha tse ditsenyeleditsweng kwa morago ga buka e. (Tlhophha ditirwana tse di lebaneng maemo a barutwana)

Letla barutwana go diragatsa
kgang fa e ba letla go dira jalo.




Barutwana ba tshwanetse go dira ditirwana tsa puiso ya ditlhophha morago ga puiso. Letla barutwana go bereka kana go dira ka ditlhophha go feleletsa ditirwana tse di maleba tsa puiso ya ditlhophha tse di tsenyeleditsweng kwa morago ga buka. Ga ba a tshwanela go kwala mo bukeng e. Ditirwana tse di kwadiwang di direlwae mo dibukeng tsa bona tsa dithutiso.

Pidipidinyana e e maswe



Mme Pidipidi o tshela le balelapa
mo polaseng. Mme Pidipidi o
elame mae a le supa o emetse
gore a thuthuge.

Ke nako ya gore mae a me
go a thuthuge. Ke fela pelo
gore dipidipidinyana tsa me di
thuthuga leng.



Moragonyana, ka bongwe
ka bongwe mae a simolola go
thuthuga. Mae otlhе fela ntle le
lee le legolo le le lengwe.

"Dumela! Ke nna Maboanyana," ga
bua pidipidinyana ya ntlha.

"Ke nna Tshepo," ga bua
pidipidinyana e nngwe e e sa
tswang go thuthuga.

"Ke nna Zaza," le "Ke nna Niki," ga
bua tse pedi tse dingwe. "Lefatshe
le sephara go le kanakang!" ga
okomela dipidipidinyana.

Ke ipotsa gore lee le legolo
le le tlaa thuthuga leng. Ke
ipotsa gore pidipidinyana ya
me ya bofelo e tlaa lebega.



Mme Pidipidi a dula a bo a dula mo godimo ga lee legolo. Letsatsi le simolola go phirima.

Kwa bokhutlong lee le legolo la thuthuga. Pidipidinyana ya bofelo ya tlolela kwa ntle.

E bonala e le kgolo e bile e le maatla mme ga e tshwane le epe ya dipidipidinyana tse di sa tswang go thuthuga.



Ke dule! Ijaa, a
lefatshe le legolo!

Mo mosong wa letsatsi le le
latelang, Mme Pidipidi a isa
dipidipidinyana tsotlhe tsa gagwe
kwa letamonyaneng.

"Bona pidipidi ya bofelo! A
pidipidinyana ya tebego e e
gakgamatsang!" ga goa pitse.

"Haa haa haa! Ke pidipidinyana e e
gakgamatsang," ga tshega kgomo.


Itlhaganeleng bana, re
ya go thuma.




Ka bonako dipidipidinyana tse supa
tsa tlolela mo letamonyaneng.
Di ne tsa thuma le go itshela ka
metsi jaaka di ntse di thobunyela
mo metsing.



Se se gakgamatsang,
pidipidinyana e e maswe e
ne e thuma botoka go gaisa
dipidipidinyana tse dingwe.





Pidipidinyana e e maswe ga e a
itumelela go nna mo segotlong sa
polasa.

Diphologolo tse dingwe ga di a
tshola pidipidinyana e e maswe
sentle. Dithole di a e kobota mme
ntšwa e a bogola.

“Di a ntshaba gonne ke le maswe,”
ga bua pidipidinyana e e maswe.



Bosigo bongwe pidipidinyana
e e maswe e ne ya swetsa go
inaya naga.

"Mongwe le mongwe o bosula
mo go nna. Ke ka mpa ka inaya
naga," ya rialo.



Pidipidinyana e tsamaela
kwa nokeng kwa e bonang
dinonyane tse dintsi tse
dintle di thuma teng. Mafofa
a tsona a boletaleta. Di na
le melala e meleele. Diphuka
tsa tsona di phophotha ka
boiketlo le ka bonolo fa di
fofa.

"Ke eletsa o ka re nka
tshameka le tsona. Di dintle
thata. "Nna ke maswe," ga
bua pidipidinyana e tlhontse.





Segagane sa simolola go wa mme ka bonako sengwe le sengwe sa bo se le sesweu. Go tsididi thata le noka e fetogile serame se se popota. Pidipidinyana e e maswe e tsididi thata e bile e utlwile botlhoko.

"Ke tshwanetse go iphitlha," ga bua pidipidinyana.




... mme gatla Dikgakologo.
Letsatsi le phatsima gape mme
ditlhare di ditala e bile di dišwa.
Moso mongwe pidipidinyana e
tsamaela kwa nokeng ka iketlo
kwa e bonang diganse tse dintle
gape.



E bogela diganse e bile e ikutlwa
e tlhontse thata. E simolola go
lela.

"Ke maswe thata, ke jewa ke
bodutu thata. Ga ke na ditsala."



Fa e ntse e lela e lebelela fa
fatshe magareng ga dikeledi
mme e bona moriti wa yona mo
metsing.

"Ake nna yo?" ya bua.
"Ke leganse!"

Fela moragonyana ga foo,
diganse tse dingwe tsa thuma
di feta fa go ena. Di ne tsa bitsa
pidipidinyana e e maswe gore e
thume le tsona.

Pidipidinyana ya tlolela mo
metsing.

Morago ga foo e ne ya tshela ka
boitumelo magareng ga diganse
tse dingwe tse dintle.



Tlaya o thume le rona.
Le wena o leganse!
O leganse le lentle fa gare
ga diganse tsotlhe.

Ditirwana tsa puiso ya ditlhophha



1 Bua ka ga kgang.

- A o ratile kgang? Neela karabo ya gago lebaka.
- Mae a thuthugile mo setlheng sefe? Ke eng o rialo?
- A o akanya gore pidipidinyana e e maswe e ne e tota e le maswe?




2 Feleletsa ditirwana tse.

- Batla mafoko a a nang le medumo e e latelang mo kgannyeng o bo o a kwale:
ts tl nn mm ae-
- Kwalolola dipolelo tse di latelang mo pakapheting.

Mae a thuthuga mme pidipidinyana e tlolela kwa ntie.

Pidipidi e itshela ka metsi, e a thobunyela e bile e a thuma.

- Tsenya matshwaopuso mo dipolelong tse.



Ke ya go tshaba ga bua pidipidinyana

haa haa bona pidipidinyana e e maswe ele ga bua kgomo

O eng, pidipidi kgotsa kalakune

- Kwalela kgang e bokhutlo jo boswa jwa dipolelo di le nne go ya go di le tlhano. Thala setshwantsho go nyalanya bokhutlo jo boswa.



3

Dira le tsala. Lebelela ditshwantsho tse 2. Bona gore o fitlhela dipharologano di le kae.



4

Nyalanya diphologolo tse di latelang le bana ba tsona:

pidipidi
kolobe
kgomo
ntšwa
katse
tau
podi
sethole
leganse




namane
pidipidinyana
kolojane
katsana
ntšwanyana
tawana
tsuane
petsana
potsane




5

Buisa phousetara o bo o e
tlotla le tsala.



Ditshwanelo tsa Bana

Bana ba bantsi ga ba tlhokomelwe, ba a sotliwa,
ba utlwisiwa botlhoko, ba dipisiwa e bile ba a
kgerisiwa. Mongwe le mongwe yo o kganelang
ditshwanelo tsa gago, o roba molao.



Bana botlhe ba na le tshwanelo ya go
ratiwa go tlhaloganngwa le go tlhokomelwa

Ba na le tshwanelo ya go rutiwa,
go tshameka le go ikatisa.

Ba na le tshwanelo ya go fiwa dijo le
legae le go tsholwa sentle.

Ba na le tshwanelo ya tlhokomelo ya
boitekanelo le tshireletso kgatlhanong le go
sotliwa le go itlhokomolosiwa.

Ba na le tshwanelo ya go tshela mo
tikologong e e phepa.

PUOGAE YA MOPHATO 2



Buka 3

Leina kana setlhogo:	Pidipidinyana e e maswe
Puo:	Setswana
Maemo:	Padiso ya Puogae ya Mophato 2 Maemo 2 Buka 3
Mofuta wa sekwalwa:	Kanelo
Mafoko a tlwaelo:	ema, nako, la ntlha, bofelo, Dikgakologo, thuma, tshameka, dikeledi, maswe
Tlotlofoko:	thuthuga, okomela, tsamaya, iketlo, ipona, segagane, phasametsa, thobunyela, dikeledi, pidipidinyana
Medumopuo:	d, ana, th, k, sw, mm, tsh, Mafoko otlhe a a felelang ka -ela (bogela, tlolela, tsamaela, fela, thobunyela)
Diteng, marel le bokgoni:	<ul style="list-style-type: none"> ▪ Naya kakanyo ya gago ka ga kgang ▪ Araba dipotso tsa go akanya le go neela mabaka. ▪ Botsa le go araba dipotso tsa tekatlhaloganyo ▪ Batla mafoko mo kgannyeng a a nang le medumo e, ua, mm, th, k, ny ▪ Kwala mafoko mo thanoding ya gago ▪ Kwalololela dipolelo mo pakapheting ▪ Lemoga le go siamisa diphoso tsa matshwaopuiso. ▪ Kwalela kgang bokhutlo jo boswa ▪ Thalela bokhutlo jo boswa setshwantsho ▪ Lemoga go farologana le go tshwana ga dilo ▪ Nyalanya diphologolo le bana ba tsona ▪ Buisa phousetara.

CAPS e batla gore barutabana ba beeble kwa thoko nako e e rileng ya go tota puiso ya dithlopho e e kaelwang letsatsi le lengwe le lengwe. Puiso ya ditlhopho e e kaelwang e batla gore barutwana ba maemo a a tshwanang a puiso ba buise temana e e tshwanang ba le mo ditlhopheng tsa bona ka fa tlase ga bokaedi jwa morutabana.

Morutabana o tshwanetse go rulaganya nako ya go buisa gore e akaretse thuto ya mafoko a a rileng le mekgwa ya go tlhaloganya e barutwana ba tlaa e tlhokang fa ba buisa.

Mekgwae gape e batla 'puisano ka ga sekwalwa' magareng ga morutabana le barutwana le magareng ga bana mo ditlhopheng ts abona. Dibuka tse di akaretse ditirwana di le mmalwa tsa 'puisano ka ga sekwalwa', tekathloganyo le ditirwana tse dingwe tse di tsamaelanang go thusa morutabana go kaela puiso ya ditlhopho mo diphaposiboruteleng tsa bona.

ISBN 978-1-4315-2666-6



9 781431 526666



ISBN 978-1-4315-2666-6

THIS BOOK MAY NOT BE SOLD.



basic education

Department:
Basic Education
REPUBLIC OF SOUTH AFRICA


Published by the Department of Basic Education
222 Struben Street, Pretoria
South Africa

© Department of Basic Education
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

Author: V McKay

Dibuka tse dingwe tse di mo Šelofong ya Puogae ya Mophato 2:



Sisi o iponela tsala e ntšhwa

Ke botshelo jwa ntšwa

Pitse e tilodi e bone methaladi jang?

Jerry o rata go buisa



Bubu o a latlhega

Ke seo ditsala di tshwanetseng go nna sona

Pidipidinyana e e maswe



Baesekle e ntšhwa ya ga Bakang

Diphologolo di ya kwa lewatleng

Wendy Leruarua o boloka botshelo